

Sivilrettsregisteret	
15/01317	22
12 MAR 2015	
957 927 704	B66

## Vedtekter

# Stiftinga Hardanger og Voss museum

Fastsett i styremøte 24.februar 2015

### § 1 Namn

Namnet på stiftinga er Hardanger og Voss museum.

### § 2 Føremål

Stiftinga Hardanger og Voss museum skal ivareta museumsfunksjonar for dei institusjonane som har særskilde avtaler med stiftinga. Museet skal driva innsamling, bevaring, forskning og formidling tufta på kulturuttrykk frå fortid og samtid.

Gjennom dokumentasjon av variasjon og fellestrekk skal museet vera med å synleggjera Hardanger og Voss lokalt, nasjonalt og internasjonalt. Med utgangspunkt i rolla som samfunnsminne skal museet vera ein open møtestad der publikum kan studera, oppleva og finna utfordringar. Hardanger og Voss museum skal arbeida for ei samordning av arkiv, bibliotek- og museumstenestene i regionen.

Hardanger og Voss museum skal driva eit nasjonalt senter for fartøyvern. Hardanger og Voss museum har ansvar for drifta av kunsthuset Kabuso, som skal formidla musikk, kunst og kulturimpulsar på høgt kvalitativt nivå, der kunsten mellom anna kan fungera som ein dialog mellom Noreg og verda. Kabuso skal arbeida i spenningsfeltet mellom tradisjon og samtid, og arbeida i nært samarbeid med kunstmuseum, festivalar og andre kulturinstitusjonar regionalt, nasjonalt og internasjonalt.

Museet skal vera medlem i Norges Museumsforbund og fylgja ICOM sitt museumsetiske regelverk og ta del i regionalt, nasjonalt og internasjonalt museumsnettverk.

Museet skal yta fagleg hjelp i museums- og kulturminnevernspørsmål til kommunane Eidfjord, Granvin, Jondal, Kvam, Odda, Ullensvang, Ulvik og Voss.

### **§3 Grunnkapital**

Grunnkapitalen er kroner 228 600.

### **§ 4 Organisasjon**

Hardanger og Voss museum er eit konsolidert museum som etter særskilde avtaler har ansvar for økonomi, personal og anna drift ved Stiftelsen Agatunet, Granvin Bygdemuseum, Hardanger Fartøyvernssenter, Hardanger Folkemuseum, Ingebrigt Vik Museum, Kvarn Bygdemuseum, Tusenårsstaden i Hordaland Kabuso og Voss folkemuseum.

Hardanger og Voss museum kan etter søknad ta opp nye institusjonar i Hardanger og Voss som har eit føremål som samsvarar med eit konsolidert Hardanger og Voss museum.

Som konsolidert museum har stiftinga driftsansvar for nemnde museum. Det skal vedtakast særskilde avtalar mellom dei enkelte musea og stiftinga Hardanger og Voss museum.

Hardanger og Voss museum har arbeidsgjevaransvar for alle tilsette. Kvar enkelt museum har sjølv eigedomsretten til bygningar, gjenstandar, arkiv o.a. i avdelingane.

### **§ 5 Styret**

Styret har 7 medlemmer og 4 varamedlem som vert valde på følgjande måte:

1 medlem med varamedlem vald av Hordaland fylkeskommune

4 medlemmer og to varamedlem i prioritert rekkefylgje vald av rådet for Hardanger og Voss museum.

2 medlemmer med varamedlemmer vert valde av og mellom dei tilsette.

Styret blir vald for 4 år rekna frå årsskiftet. Styremedlem som har sete samanhengande i 8 år, kan ikkje veljast på nytt. Funksjonstida for representanten frå Hordaland Fylkeskommune fylgjer den fylkeskommunale valperioden. Første gongen skal tre av styremedlemane, etter loddtrekking, veljast for 2 år.

Styret bør vere representert med minst 40% av kvart kjønn.

Styret held møte når leiar finn det naudsynt eller når minst 3 av styremedlemane ber om det.

Styret er vedtaksført når minst 4 styremedlemmer er til stades på møtet. Ved likt røystetal har leiaren avgjerande røyst.

## **§ 6 Styret sitt ansvar og mynde**

Styret er stiftinga sitt øvste organ, og skal leie arbeidet med stiftinga i samsvar med føremålet.

Styret sine oppgåver er å

1. Tilsetja direktør
2. Vedta budsjett, årsmelding og rekneskap.
3. Vedta langtidsplanar og årsplanar.
4. Velja revisor i tråd med § 11.
5. Handsama saker vert lagd fram for styret av direktør eller styremedlemer.
6. Styret skal utarbeida styreinstruks

## **§ 7 Direktør**

Direktør skal følgja dei retningslinene og pålegg som styret gjev. Vedkomande skal syta for at stiftinga sitt rekneskap er i samsvar med lov og forskrifter, og at formueforvaltninga er ordna på ein trygg måte. Direktør er sekretær for styret og tek del i styremøta med tale - og framleggsrett.

## **§ 8 Rådet**

For å sikra lokal forankring, fagleg breidde, god kommunikasjon og informasjonsutveksling mellom Hardanger og Voss museum, dei enkelte museumsstyra og kommunane, skal det vera eit råd for Hardanger og Voss museum. Representantar for styret tek del i rådet sine møte med talerett. Tilsette kan ikkje veljast til rådet.

Rådet skal ha 19 medlemer som skal oppnemnst på følgjande måte:

- ✓ Ordførarane i Hardanger og Voss er faste medlemer i rådet, med varaordførarane som varamedlemer
- ✓ Årsmøtet i Agatunet vel 1 medlem og 1 varamedlem
- ✓ Styret ved Granvin Bygdemuseum vel 1 medlem og 1 varamedlem
- ✓ Styret for Ingebrigt Vik Museum vel 1 medlem og 1 varamedlem
- ✓ Styret for Kvam Bygdemuseum vel 1 medlem og 1 varamedlem
- ✓ Medlemsmøtet i Hardanger Folkemuseum vel 2 medlemer og 2 varamedlemer
- ✓ Partselgarane i Hardanger fartøyvernsenter vel 2 medlemer og 2 varamedlemer

- ✓ Tusenårsstaden i Hordaland/Hordaland fylkeskommune vel 1 medlem og 1 varamedlem
- ✓ Styret i Voss folkemuseum vel 2 medlemmer og 2 varamedlemmer

Dei valde rådsmedlemene og varamedlemene vert valde for 4 år om gongen rekna frå årsskiftet. Første gong skal halvparten etter loddtrekking vera på val etter 2 år. Ordførarane i rådet fylgjer den kommunale valbolken. Rådet vel sjølv leiar og nestleiar for 2 år om gongen.

### **Ny § 9 Rådet sitt ansvar og mynde**

1. Rådet skal velja 4 styremedlemmer og 2 varamedlemmer i prioritert rekkefylgje til styret i Hardanger og Voss museum.
2. Rådet vel styreleiar og nestleiar for 2 år av gongen.
3. Rådet skal velja medlemmer til valnemnda og utarbeide retningslinjer/kompetansekrav for nemnda i samarbeid med styret.

Rådet skal gje uttale til styret om:

1. Årsrekneskap og årsmelding
2. Langtidsplanar og årsplanar
3. Andre planar som styret legg fram for rådet

Rådsleiar kallar inn til møte i rådet minst ein gong i året, eller oftare dersom styret eller rådsleiaren finn det nødvendig.

### **Ny § 10 Valnemnd**

Hardanger og Voss museum skal ha ei valnemnd med 3 medlemmer. Valnemnda blir valt av rådet og sit i 3 år. Kvart år går den ut som har fungert lengst, dei to fyrste åra ved loddtrekking.

Valnemnda si oppgåve er å førebu vala som skal utførast av rådet.

Valnemnda arbeider etter instruks vedtatt av rådet.

### **§ 11 Revisor**

Revisor for museet skal vera registrert/statsautorisert og skal veljast kvart år.

## § 12 Eigedom

Stiftinga har bruksretten til museumsgjenstandar, eigedomar og bygningar i tillegg til maskiner og driftsutstyr elles. Eigedom retten ligg hjå heimelshavarane som inngår samarbeidsavtaler med stiftinga Hardanger og Voss museum. Hardanger og Voss museum har eigedom retten til museumsgjenstandar, eigedomar og bygningar innkjøpt av Hardanger og Voss museum etter 1.1.2012.

## § 13 Vedtektsendringar

§ 2 og § 13 kan berre endrast etter samrøystes vedtak i styret.


Elles kan styret når alle møter, gjera vedtak om endring av vedtekter med 5 av 7 røyster.

Framlegg til vedtektsendringar skal sendast til rådet for uttale før endeleg vedtak i styret.


## § 14 Opplysning.


Opplysning av stiftinga skal følgja reglane i lov om stiftingar som gjeld på det aktuelle tidspunkt. Dette gjeld også fordeling av eigedom som stiftinga har ved dette tidspunktet.

  
Bjørn Christensen


  
Astrid Selsvold

  
Tone Hellesund

  
Beate Gauden Lid

  
Johannes D. Neteland

  
Astrid Dale Vindal

  
Knut Nes

  
Alexander Günther

  
Eirik Helleve

  
Karen Noer Korssjøn

